

QUÆSTIO MEDICA,  
 QUODLIBETARIIS DISPUTATIONIBUS  
 MANE DISCUTIENDA  
 IN SCHOLIS MEDICORUM

Die Jovis 28 Novembris 1720.

M. GUILLELMO DE MAGNY,  
 DOCTORE MEDICO, PRÆSIDE.

*An quò salacior Mulier, eò fecundior?*

I.

OMNIA verbo potentissimo, *Fiat*, imperante Creatore, erupere. Involucris omnia viventium gemina concluduntur, ne pateant injuriis & speciei spes pereat. Creatura à primo puncto temporis in indefinitum contrahuntur in formam tam exilem, ut fugiat ipsam imaginationem; solus novit qui condidit. Arborea, omne ferè genus plantarum embryones emittunt è sinu suo, circumseptos oleosis involucris, ne vehementiori calore arescant, detrita acriori frigore interimantur. Alia pro plerisque animantibus ratio est involucrorum. Latentia altissimis matrum sinibus, nec timent hyemis vim inimicam, nec aestatis urentes æstus; embryones complectuntur membranula, plenæ limbo limbo, paululum viscido, qui aquâ calidâ concrevit: hic fovet tenera membra donec evolvantur: (generatio enim simplex partium evolutio est): faciescit is liquor in primum nutrimentum, primis conceptionis temporibus: adigitur ad fermentationem rore seminali, turgente maximè actuosos spiritibus. Sensim sese explicat minima moles, sensim tubuli in longum, latum & profundum expanduntur, sensim solidius nutrimentum, sanguis maternus, in istos in-

A

fluit; succus nutritius conflatus ex subtilibus sanguinis partibus, permixto plurimo aëre motuum omnium primo autore, per canales nervorum quoquoersum diffunditur, adigente durâ meninge: cor & arteriæ pulsant, sanguinem impellunt ad omnia viscera, ut variorum humorum incernicula, utilia individuo & speciei. Tandem prodit ob via sensibus, infantis machinula, quæ à sex millibus annorum densissimis tenebris obvoluta delitescibat. Suos condidere vegetabilia, ut faba, quercus, in ligni aut caulium latebris, embryones; excludunt suis in fructibus quasi grandiores, obvios microscopio. Opportunâ tempestate semina Telluri creduntur: istius explicantur sales & sulphura, repressa gelu, & frigore concreta, solutâ acri hyeme, Zephyris flantibus, solis regressu, imbribus & rore, fœtis nitro-aëreo sale, avido terræ sinu susceptis. Tellus imprægnata & tot bonis dives intumescit benignâ fermentatione; intumescunt & semina quæ recondit. Substantiæ quæ modo embryonis tutamen erant, solvuntur, ut in primam nutritionem facecant; sic farina frumenti fit liquor lacteus, qui tracheatum ope à radicibus ad verticem ascendit, foliorum staminibus factus tenuior per corticem redux ad radices circuitum absolvit, aëre totum miraculum vi elasticâ patrans. Tenerior alimonia fœtui teneriori congruit, crassior succedet, canalibus sensim factis amplioribus.

## I I.

**N**ASCENDI lex una est in omni viventium genere; quò simplicior, eò dignior sapientissimo Conditor. Nulla simplicior partium fœtus evolutione, latentis ab initio in ovis aut seminibus. Stupet imaginatio immensâ, penè infinitâ embryonum tenuitate; ratio emendabit imaginationem. *Ludit in orbe terrarum aterna Sapientia. Magnum & parvum nihil Dei referunt.* Condere potest Mundos infinitos in arenulæ granulo. *Dixit & facta sunt, mandavit & creata sunt.* Jubeat, ingentes cœlorum orbes in immensum expandentur. Quis inficiaretur potuisse spem omnem totius generis humani in ovis primæ parentiæ concludere? Sapientiæ ejus est, legibus simplicissimis ingentia patrare: ergo conclusit. Crassa sunt, indigna Deo hæc nûs de generatione excogitata systemata. Sed audire, id est, refellere, operæ pretium est Physicorum docta deliria. Hic vermes in semine microscopio deprehendit, lapsu præcipiti arguit; ergo, qui vermes appatent, veri sunt homines. Egregia verò cohærentia! Rectius alii dixere totam spem futuræ prolis in ovis contineri, sed isti non plus ultra progrediuntur. Aliis placet animantium corpora ex lymphâ in ovis conclusâ compingi, aliis ex sanguine menstruo, aliis ex utroque semine. Solida & liquida ad invicem exquisitam, imò mathematicam habent rationem; quis plastes, quis Architectus sic ista direxit? quis

tanto ordine, tantâ sapientiâ ista compegit? Cœcam sortem cœci & imprudentes sequuntur. Repugnat tot inducere miracula, quot conceptus. Perstat dem qui fuit ab æterno, nutus divinæ Voluntatis. Nul-  
 lus cadit in Deum computus annorum, quia æternus est. *Mille anni quasi dies unus apud ipsum*, inquit Plaltes. Licet quoad nos à Mundi creatione ad hæc tempora fluxerint plurima sæcula, quam dicimus Mundi conservationem, est ipsa, quoad Deum, ejus è nihiloeductio; sic qui lapsu temporum & discrimine evolvuntur homines, omnes in minimo puncto, primo creationis totius orbis puncto creati sed involuti erant. Fingunt alii quasdam leges, quibus natura permixta regitur. Deum Epicuri dixeris, qui de opere suo minimè sollicitus, securum agebat Ævum. Omnis lex est voluntas ejus, quæ non est temporum varietatibus obnoxia, quod ea sit æterna, neque possit unquam mutari. Ergo quantò rectiùs asserimus, animantium generationem à simplici evolutione esse deducendam: hæc, temporibus non obnoxia Deus, obnoxia fecit temporum vicibus. Igitur seminum spiritus subeunt embryonis exiles canales, ratione ætatum majori minori-ve quantitate. Illi ne errarent in incertum, sequi coguntur Canaliculorum mechanisum, nec possunt desultoriè divagari. Certam formam nanciscuntur, coacti subire vias tubulorum illis excipiendis aptatorum. Alii aut miracula comminiscuntur, aut corporum compagem relinquunt cœcæ Epicureorum fortunæ. Microscopio fit quasi nova nostræ opinioni virium & luminis accessio. Datum est quadantenus introspicere quid possit in *minimis* mens suprema. Paruit oculis hominum quasi novus Mundus. Quot novi infinitè minores fortè paterent, si mentis vires & corporis industria non deficerent! hi nos æternum latebunt. Quæ deprehenduntur animalcula, millies tenuitate superant aciem oculorum acerrimam; easdem obeunt, quas grandia animantia, functiones. Ergo Genesis omnium viventium in punctum, sed maxime fragile coarctata, fragilibus conclusa involucris, exilibus pediculis inhærens, alia non est à simplici partium evolutione.

### III.

**A**T QUI in fœminâ salaciori tam tenera corpusculi membra disturbantur, concutiuntur, comminuuntur tum animæ tum corporis commotionibus; deterit acredo salium delicatiora stamina. Ipse tempestatum mutationes, teste Hipp. quantumvis extraneæ, evertunt inchoatum opus generationis. Si verò hyems australis & pluviosa ac clemens fiat, ver autem siccum & aquilonare, mulieres quidem, quibus partus ad ver instat, ex omni occasione abortiunt; quæ verò pariunt, impotentes ac morbosos pueros pariunt, ita ut aut statim pereant, aut tennes ac morbofi vivant. Subtilis machinulæ fœtus textura non fert impunè quamlibet commotionem:

Aphor. 12.  
Sect. 3.

A ij

\* Malebranchius,

pulli in ovis gallinæ tonitruū interimuntur. Mulierum imaginationis vi sic fœtus afficiuntur, \* ut hic natus fuerit, fractis brachiis, femoribus, & cruribus, quod reum mater spectavisset, cujus membra carnifex fregerat. Ille nascendo mythram Pontificiam carneam capite gestavit, quia gravida mater attentius fixerat oculos in pictam Tabellam S. Pii V. summi Pontificis; quod luculentius est argumentum tenerrimum esse embryonem? Quot abortiunt matres honestissimæ levi commotione corporis, distorto pede iniquo passu, æstu iracundiæ paulo vehementiori, perculsæ tristi nuntio, metu fulguris, &c. Scilicet vinculum, quo fœtus uteri parietibus adhæret, laxum est & leve primis saltem conceptionis temporibus, ferruminatur solo glutine quod stillat ex glandulis fundi uteri. Ovum per tubas Fallopii delapsum, absmile non est grano visci: nativo glutine circumseptum, maturum, deciduum ex frutice, ramo vel trunco arboris, prout fors tulit, agglutinatur totâ hyeme; redeunte gratâ veris tempestate, sensim, rupto involucre, prodit nova planta, fronde viret novâ & agit radices: istis cortex, cui adhærescit, paulatim diducitur, dein terebratur arboris lignum durissimum ad intimam medullam: sic frutex peregrinus fit hospes, succum, quo nutritur, fugit alienum. Exemplo inter humana quid opus est ad embryonis probandam teneritudinem. Quot in vegetabilibus requiruntur conditiones ut embryo excludatur, adolescat, & perfectam adipiscatur maturitatem? Una aut altera ex plurimis si desit, perit germen, perit spes omnis annui proventus & Agricolæ.

#### IV.

**P**ORRO Mulier nata ad generationem, stimulis acerbis fertur in Amorem.

Ovid.

*Fœmineo magis est usu Venus effera sexu,  
Mitior illa Viris.*

Prov. c. 7.

In amore non temperant, quibus sunt acres humores, calidum cerebrum, sicciora uterus & muliebria. Gignitur foveturque immoderatus Veneris appetitus ab orgasmo spirituum & sanguinis. Ferociam quasi igneam concipiunt, undè effrænis salacitas. Virgines Milesiacæ se suspenderunt, fœminæ Lugdunenſes in fluvios se præcipites dedere, quod improbæ Veneri sacra facere non possent. Quam non sic urget furiosa Venus, sed æstro salacitatis molliori percellit, experientiâ doctus Salomon describit: *Mulier preparata ad capiendas animas, garrula & vaga, quietis impatiens, nec valens in domo consistere pedibus suis, nunc foris, nunc in plateis, nunc juxta angulos insidians... procaci vultu blanditur, oculis lubricis aspicit ad lasciviam arte & naturâ compositis.*

Virgil.  
Musaëus.

*Scintillant oculi, mala mens, oratio blanda.  
Οφθαλμοὶ δ' ὕδω ἴσσι, καὶ ὁφθαλμοῖσι βελάνη,  
Ελκας ἐλιζάσθην, καὶ ἐς ἑσπέρην ἄτορ ἰκάνην.*

Oculi enim præcipuè sunt ad<sup>s</sup> amandum illices : in illis Cupido excubans jacula mittit.

*Ut vidi , ut perii , ut malus me abstulit error !*

Virgil.

*Uritque tuendo*

*Fæmina.*

Terent.

*Cercâ visâ duntaxat Virgine ,*

*Quam impotenter cœpit ardere.*

*Cæcus amans prodigii loco est ,*

*Qui nunquam visa flagrabat amore puella.*

Juvenal.

His armis instructæ Mulieres salaces impetunt vecordes juvenes, melle dulciora sunt labia illarum. Jocos sectantur & risus, dum cedit amor ex ipsarum voluntate ; tristitiâ se macerant iratâ Venere, suffocantur, jacent attonitæ vix ducunt spiritum. Venere benigniori infelicium misertâ, reviviscunt, pallidâ mors per oculos oberrabat, paucis horis alacres paratæ sunt alteri vitam impertire. Curiosius inquires, unde tot scenarum varietates ludantur. Amor, odium, ira, metus, tristitia torquent per vices miserum animum, turbulationem rerum species perturbant assiduâ exagitatione deliram imaginationem, intestino bello ipsa se Mulier conficit, reficit pax ferè nunquam : florida primum, torosa, macie conficitur. Audias ergo quò rem deducam, ex parvo principio luditur magna scena, sæpè flebilis. Rugosus est ductus uteri, patent in eo foraminula, quibus effluit liquor acris, vellicat sale pungente uteri & vaginæ membranam. Hæc, ut aliæ omnes, à durâ meninge oriunda, vehementem & animæ consiliat & corpori puritum assiduis crispationibus. Tempore concubitûs liquor ejusdem generis magnâ copiâ erumpit ex utero, uterque muriaticam refert salledinem ; vagina, uterus, virga muliebris ( sedes præcipua dulcedinis amoris) penitûs nervosa sunt, & membranosa. Hæc magnâ tentigine inflatur, prurit acriter. Cum abjectis pudoris, fortunæ, vitæ, discriminis rationibus, percita Mulier æstro potenti salacitatis, cæco impetu in Venerem ruit; interim vir conatus edit vehementissimos ut superet resistantiam, quam sibi rugæ vaginæ objiciunt. Tunc sanguis & spiritus ubertim affluunt, ignem spirat Mulier, ebria voluptate vix retinet fugientem animam, expers sensationis vividiori sensatione. Sic Veneri ipsa litatur ; amatque hunc frequenter ludum ludere. Temperata vel ratione, vel sic facta à naturâ novit impotenti libidini modum ponere, novit eam otio foveri.

Salomon.

*Facmonitis fugias otia prima meis,*

Ovid.

*Hæc ut ames faciunt.*

*Otia si tollas, periære Cupidinis arcus,*

*Contempraque jacent , & sine luce faeces.*

*Quam platanus rivo gaudet , quam populus undâ,*

*Et quàm limosâ canna palustris humo ,*

A iij

*Tam Venus otia amat : finem qui quarit amori ;  
( Cedit amor rebus ) res age tutus eris.*

Salax, otio torpida versat diu noctuque teneros Poëtas, Fabulas amatorias quæ peccare docent, indulget cupediis, liquoribus ardentibus, boletis, &c. Venenum amoris haurit avidis faucibus, auribus, oculis; delectatur Amasiorum nugis venereis, ingenio, eloquentiâ, vincitur quia vinci voluit, sic vinci & dulce putat, & amasium vincere sibi gloriæ apponit. Si langueat imaginatio, novâ arte sopitos ignes ex-fuscitat. Fugientem cupidinem brevirevocat, redit protervus, jam spontè insaniens denuò instigat, exhausta inculcat naturam quod vi-res ejus suis sint desideriis impares. Lassata non satiata; sic æstuat perpetuò sanguis, sic perpetuò rapitur delira imaginatio in voluptatis objectum, neque unquam etiam fruendo quiescit.

*Unaque res hæc est, cujus quam pluria habemus,*

Lucret.

*Tam magis ardescit dirâ cuppedine pectus.*

Quomodo fœtus tenerrimus tot efferos ferret impetus? Quomodo molle corpusculum vim effugeret salium acerrimorum, quibus aliquando mater ipsa ad furorem adigitur, & insanam mentem, vesanum amorem, vitam cum morte paciscitur? Conceptio felix nec absolvitur nisi temperatis motibus, nec ad partum felicem potest adduci; imò si quibusdam scæminis plurimorum liberorum matribus habenda fides, gravidas consentitur se factas fuisse sine ullâ prorsus sensatione voluptatis. Ergo graviditati officiant, necesse est, motus perturbati salacitatis.

## V.

**E**X dictis rectè deduxeris Mulierum salacium mores & ingenium. Corporis textura mollis est, subtilis, laxa, tenerrima; alacres & vividi sunt motuum impetus, sed debiles, & brevi remittunt; acutiores sunt sensationes; in viris paulò obtusiores: istæ ideò tuunt ardentius in sensuum voluptates, illis magis mancipantur. Vix unquam mulier castissima oratione de rebus amatoriis aut non subrist, aut seriò iratâ est, si sua adfuerit linguæ verecundia, suus habitus sit honos auribus; junior salax, linguâ prompta, dicax, verbosa recludit dicenda tacendaque, imprudens aliena prodit, sed taciturnitate obstinatâ premit proprium amorem; si pateat, ipsi conciliat colores mendaci verborum artificio, hebes, torpida ingenium mutuatur ab amore. Ut amor proprium imaginationis vitium est, ab illâ torquetur miserabiliter.

*Nam si abest quod ames, præsto simulachra tamen sunt  
Illius & nomen dulce obversatur ad aures,  
Ulus enim vivescit & inveterascit alendo,  
Inque dies gliscit furor, atque arumna gravescit;*

Lucret.



*Namque in eo spes est, unde est ardoris origo,  
 Restingui quoque posse ab eodem corpore flammam.  
 Ut bibere in somnis sitiens cum querit, & humor  
 Non datur, ardorem in membris qui stingere possit;  
 Sed laticum simulachra petit, frustra que laborat,  
 In medioque sitit torrenti flumine potans:  
 Sic in amore Venus simulachris ludit amantes.*

Sic vanis imaginibus illudi sibi patitur miscellula. Hinc morosa fit,  
 levis.

*Nolunt ubi velis, ubi nolis cupiunt ulterò.*

Terent.

Imperiosa, audaci animo, altera venefica Circe, altera Medæa  
 furens.

*Sic volo, sic jubeo, sit pro ratione voluntas.*

Juvenal.

Injuriarum acerrima vindex & memor, ut nullus impunè tulerit qui  
 aggrediatur vel ejus frænare amores, vel inturbare; graves miser  
 dabit pœnas; sed desit potestas, non desit vindictæ voluntas. Tenuis  
 & è plebe pœnas à seipsâ repetet, conficiet se mœrore, morbos ul-  
 tores accersit, ictum, pallidos colores, furorem uterinum. Sine  
 amore felicem non putat se vitam posse traducere; non amare, ipsi  
 vivere non est.

*Aliquo modo si impetrare non quibo, consciscam  
 Lethum, sine illo scio me vivere non posse.*

Plaut.

Sed votis potiri si detur, si Venus benignior aspiet, toxica miseræ  
 voluptatibus improba miscebit.

*Medio de fonte leporum  
 Surgit amari aliquid, quod in ipsis floribus angat,  
 Aut quod conscius ipse animus se fortè remordet.*

Lucret.

Pœnitere tanti non erat.

*Ut melius vigilare sit ante  
 Quâ docui ratione, cavereque ne incipiaris.  
 Nam vitare, plagas in amoris ne laciamur,  
 Non ita difficile est, quàm captum retibus ipsis  
 Exire, & validos Veneris perrumpere nodos.*

Idem Lucr.

Hi sunt salacium mores, hoc ingenium, hæc incommoda. Sed hoc  
 omni infortunio turpius & miserabilius: quæ amorem juvenes pro-  
 tervè coluère, eidem student, ut possunt, vetulæ.

*Quo semel est imbuta recens, servabit odorem  
 Testa diu*

Horat.

Istas animi & corporis salaces fæminæ patiuntur perturbationes,  
 non rarò sibi damnosas, semper fœtibus tenuibus, molis exilis, sum-  
 mæ teneritudinis exitiales.

*Non ergò, quò salacior Mulier, eò fœcundior.*

## Domini Doctores disputaturi.

<i>M. Antonius le Moine.</i>	<i>M. Henricus Besnier.</i>	<i>M. Claudius du Corf.</i>
<i>M. Petrus-Antonius Lepy.</i>	<i>M. Joannes Bessé, Medi-</i> <i>cus Domus Regia.</i>	<i>M. Claudius Vergne.</i>
<i>M. Elias Col de Villars.</i>	<i>M. Antonius de Jussieu,</i> <i>Regia Scientiarum Aca-</i> <i>demia &amp; Botanices in</i> <i>Horto Regio Parisiensis</i> <i>Professor.</i>	<i>M. Matthæus Thuillier,</i> <i>antiquior Schola Magi-</i> <i>ster.</i>

Proponerebat Parisiis **JACOBUS-JULIANUS CARREL,**  
Constantiensis, Baccalaureus Medicus, A. R. S. H. 1720.  
à sextâ ad meridiem.

---

Typis J. QUILLAU, Universitatis & Facultatis Medicinæ  
Typographi.